



Դանիել Վարուժան

Կարոտի նամակ

Կը գրբն մայրս. «Ո՛վ իմ որդյակըս պանդուխտ,
Դեռ մինչև ե՞րբ պիտ' անձանոթ լուսնի տակ
Օրերդ անցնին, դեռ մինչև ե՞րբ հեզ գըլուխդ
Ես չըսեղմեն լանջքիս տաք:
Հերի՛ք օտար սանդուղներեն ելլեն վեր
Ոտքրեդ՝ որ օր մ'ափերուս մեջ տաքցուցի.
Հերի՛ք ալ սիրտս՝ ուր իմ ծիծերս են պարպեր՝
Դատարկ սրբտես դուրս հյուծի:

Ջահրակին տակ թներս աշխատ հոգներ են.
Կ'հուսեն պատանքս ա՛լ ծամերովս ըսպիտակ.
Ա՛խ, քեզ տեսնեն անգամ մ'աչքերս ու փակեն
Թող հոգիս ա՛լ իրենց տակ:

Դըրանս առջև կը նըստին միշտ տըխրալիր
Լուր կ'ուզեմ վրադ ամեն կռունկե՝ որ կ'անցնի.
Այն ճյուղն ուտի՝ գոր քու ձոքով տընկեցիր,
Վըրաս կ'ընեն հովանի:

Իրիկունները գո՛ւր դարձիդ կը սպասեմ.
Կու գան կ'անցնին գյուղին քաջերը համակ.
Մշակը կ'անցնի, կ'անցնի կովարծը վըսեմ.
Կը մնամ լուսնին հետ մինա՛կ:

Ավերակ տան մեջ անտերունջ եմ թողված,
Մերթ շիրիմիս, մերթ օճախիս ծարավի.
Կրայի մը պես՝ որուն աղիքն իր կոտրած
Պատյանին հետ կը կըցվի:

Եկո՛ւր, որդյա՛կ, հայրենի տունըդ շենցուր.
Դուռն են կոտրեր, մատաններն ո՛ղջ դատարկեր.
Կը մըտեն ներս լուսամուտեն ջարդուփշուր
Գարնան ամբողջ ծիծառներ:

Այն բազմաթիվ հոտեն, գոմին մեջ, եղո՛ւկ,
Մընացեր է խոյ մը միայն քաջարի՝
Որուն մայրն օր մ՝ – հիշե՛, որդյա՛կ– դեռ գառնուկ
Կերավ ափիդ մեջ գարի:

Թեփով բրնձի և առվույտով պատվական
Մընունդ կու տամ արդ անոր պերճ դըմակին.
Տոսախ սանտրով կը սանրեմ բուրդն աղվական.
Ան գոհ մըն է թանկագին:

Դարձիդ՝ պըճնած վարդերով գլուխն իր համակ՝
Պիտի մորթեմ կյանքիդ համար ծաղկատի.
Իր արյան մեջ պիտի լըվամ, քա՛ղցր որդյակ,
Ոտքերդ հոգնած պանդուխտի»: